



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD VISOKO
GRADONAČELNIK**

Broj: 01/1-02-1042-1/23

Datum: 01.09.2023.godine

Gradonačelnik Grada Visoko, na osnovu člana 70. Zakona o javnim nabavkama Bosne i Hercegovine ("Službeni glasnik BiH", broj: 39/14 i 59/22), Pravilnika o javnim nabavkama Grada Visoko ("Službeni glasnik Grada Visoko", broj: 02/22), otvorenog postupka javne nabavke Nabavka i ugradnja dječijih igrališta, pokrenutog Odlukom broj: 01/1-02-1042/23 od 05.07.2023.godine i objavljenog na Portalu javnih nabavki Obavještenjem o nabavci broj: 870-1-1-64-3-77/23 i Ispravkom za Obavještenjem o nabavci broj: 870-1-1-64-8-82/23, donosi:

**ODLUKU
o poništenju**

I

Grad Visoko je pokrenuo otvoreni postupak javne nabavke za nabavku i ugradnju dječijih igrališta Odlukom o pokretanju postupka broj: 01/1-02-1042/23 od 05.07.2023.godine.

II

Obzirom da nijedna zaprimljena ponuda nije u skladu sa Tenderskom dokumentacijom poništava se postupak javne nabavke.

III

Odluka stupa na snagu danom donošenja.

O b r a z l o ž e n j e

Grad Visoko je pokrenuo otvoreni postupak javne nabavke za: "Nabavka i ugradnja dječijih igrališta" Odlukom o pokretanju postupka broj: 01/1-02-1042/23 od 05.07.2023.godine. Postupak je objavljen na portalu javnih nabavki Obavještenjem o nabavci broj: 870-1-1-64-3-77/23 i Ispravkom za Obavještenjem o nabavci broj: 870-1-1-64-8-82/23 i u Službenom glasniku BiH, broj: 49/23 od 14.07.2023.godine.

U skladu sa članom 13. Zakona o javnim nabavkama BiH („Službeni glasnik BiH” broj: 39/14 i 59/22) i Pravilnikom o uspostavljanju i radu komisije za javne nabavke („Službeni glasnik BiH”, broj: 103/14) Komisija je imenovana Rješenjem broj: 01/1-02-1042-1/23 od 05.07.2023.godine, u sastavu:

1. Andrea Mitrović Karačić, predsjednik
2. Amel Aščalić, član
3. Mirela Zukić, član
4. Zilha Sirćo, sekretar

1. Mirha Hasanbegović, zamjenik predsjednika
2. Mahir Karavdić, zamjenik člana
3. Almir Osmanbegović, zamjenik člana
4. Abas Avdagić, zamjenik sekretara

Dana 09.08.2023.godine predsjednica Komisije Andrea Mitrović Karačić i sekretar Komisije Zilha Sirćo su bile odsutne radi korištenja godišnjeg odmora.

Tenderska dokumentacija je bila objavljena na portalu javnih nabavki. Uvidom Komisije u Izvještaj o preuzimanju TD od strane ponuđača utvrđeno je da su ponuđači koji su dostavili ponude, preuzeli i TD.

U roku za dostavljanje ponuda 09.08.2023.godine (srijeda) do 12:00 sati dostavljene su ponude ponuđača:

1. "Flex Invest" d.o.o. Sarajevo
2. "Glovis" d.o.o. Zenica

Dana 09.08.2023.godine (srijeda) u 12:15 sati Komisija je pristupila otvaranju blagovremeno pristiglih ponuda.

Zamjenica predsjednice Komisije je pročitala cijene ponuda i to:

Red. br.	Ponuđač	Ukupna cijena KM bez PDV-a	Popust (KM bez PDV-a)
1.	"Flex Invest" d.o.o. Sarajevo	87.058,33	nema
2.	"Glovis" d.o.o. Zenica	86.786,00	nema

Kada je riječ o dostavljanju kopija zapisnika o otvaranju ponuda Ugovorni organ je postupio u skladu sa članom 63. stav (6) Zakona o javnim nabavkama ("Službeni glasnik BiH", broj: 39/14 i 59/22).

Komisija je dana 31.08.2023.godine pristupila pregledu i ocjeni ponuda, te konstatovala sljedeće:

Prilikom provjere računske tačnosti ponuda, Komisija je utvrdila da su ponuđači: "Flex Invest" d.o.o. Sarajevo i "Glovis" d.o.o. Zenica imali računsku grešku na obrascu Aneks II-a. U ponudi ponuđača "Flex Invest" d.o.o. Sarajevo računska greška se odnosila na cijenu tačke II BETONSKI RADOVI, stav 1) (kom 52) (Lokacija stadion Luka, str.22 ponude). U ponudi ponuđača "Glovis" d.o.o. Zenica računska greška se odnosila na cijenu tačke IV MOBILIJAR, stav 2) (kom 1) (Lokacija stadion Luka, str.10 ponude), a koja je znatno uticala na konačnu cijenu ponude.

Komisija je navedenim ponuđačima uputila zahtjeve za saglasnost za ispravku računske greške. Ponuđač "Flex Invest" d.o.o. Sarajevo je dana 29.08.2023.godine dao saglasnost za ispravku računske greške. Ponuđač "Glovis" d.o.o. Zenica u svom dopisu broj: 49-08/2023 od 30.08.2023.godine naveo da se radi o pogrešci u jediničnoj cijeni, da je u pitanju čista tehnička greška prilikom pisanja cijena, te da navedena greška ne narušava integritet tenderskog procesa.

U skladu sa članom 17. stav 5) Uputstva za pripremu modela tenderske dokumentacije i ponuda, jedinična cijena stavke se ne smatra računskom greškom, odnosno ne može se ispravljati.

Ponuda ponuđača "Flex Invest" d.o.o. Sarajevo je u skladu sa članom 2. stav (1) tačka 1) Zakona o javnim nabavkama ("Službeni glasnik BiH", broj: 39/14 i 59/22) neprihvatljiva i nepravilna. Naime, Tenderskom dokumentacijom tačka 12.2. stav b), se tržilo da ponuđač kao dokaz o dužini trajanja radnog iskustva za angažovanog diplomiranog inženjera ili inženjera dostavi uvjerenje/potvrdu koje izdaje poslodavac kod kojeg je diplomirani inženjer ili inženjer stekao radno iskustvo. Ponuđač "Flex Invest" d.o.o. Sarajevo u svojoj ponudi nije dostavio traženi dokaz, zbog čega se navedena ponuda odbacuje. Pored navedenog, Komisija je utvrdila da u ponudi ponuđača "Flex Invest" d.o.o. Sarajevo u Aneksu II-a Lokacija Osnovna škola Goduša tačka I -2 gabaritne dimenzije klackalice ne odgovaraju traženim dimenzijama iz tehničke specifikacije. U navedenoj ponudi u Aneksu II-a Lokacija Zbilje u tački II-3 sigurnosna zona ljuljačke ne odgovara traženoj zoni iz tehničke specifikacije, te u tački II-4 dužina klupe ne odgovara traženoj dužini iz tehničke specifikacije. U navedenoj ponudi u Aneksu II-a Lokacija stadion Luka u tački IV-3 dimenzije sigurnosne zone i visina pada ne odgovaraju dimenzijama traženim tehničkom specifikacijom.

Ponuda ponuđača "Glovis" d.o.o. Zenica je u skladu sa članom 2. stav (1) tačka 1) Zakona o javnim nabavkama ("Službeni glasnik BiH", broj: 39/14 i 59/22) neprihvatljiva i nepravilna. Cijena ponude ponuđača "Glovis" d.o.o. Zenica nakon ispravke računске greške (96.786,00 KM bez PDV-a), na koju ponuđač nije dao saglasnost, prelazi planirana, odnosno osigurana novčana sredstva ugovornog organa za nabavku (procijenjena vrijednost nabavke: 87.158,35 KM bez PDV-a), zbog čega se odbacuje. Pored navedenog, ponuđač "Glovis" d.o.o. Zenica u svojoj ponudi nije dostavio dokaze koji su traženi Tenderskom dokumentacijom tačka 12.2. stav c), d) i e).

Analitički prikaz traženih i dostavljenih dokumenata u ponudi:

Red. br.	Potrebni akti	Ponuđač	Ponuđač
		"Flex Invest" d.o.o. Sarajevo	"Glovis" d.o.o. Zenica
1.	Obrazac za dostavljanje ponude	DA	DA
2.	Obrazac za cijenu ponude	DA	DA
3.	Specifikacija usluga	DA	DA
4.	Obrazac za povjerljive informacije	DA	DA
5.	Izjava iz člana 45. ZJN	DA	DA
6.	Izjava iz člana 47. ZJN	DA	DA
7.	Izjava iz člana 49. ZJN	DA	DA
8.	Izjava iz člana 52. ZJN	DA	DA
9.	Nacrt ugovora	DA	DA
10.	Dokaz o registraciji	DA	DA
11.	Spisak izvršenih ugovora	DA	DA
12.	Potvrda/e o uredno izvršenom ugovoru	DA	DA
13.	Potvrda banke (solventnost)	DA, obična kopija	DA, ovjerena kopija
14.	Diploma i uvjerenje za inženjera	DA	DA
15.	Uvjerenje/potvrda o dužini trajanja radnog iskustva (ponuđača ili poslodavca kod kojeg je stekao radno iskustvo)	NE	DA
16.	Računska provjera	Greška	Greška
17.	Važeći referentni standardi ili njihovi	DA	NE

	ekvivalenti		
18.	Kataloški listovi	DA	NE (obična kopija, bez dimenzija, bez šifre)
19.	Tehnički listovi	DA	NE (obična kopija, bez šifre)

U skladu sa navedenim, članom 69. stav 2. tačka (d) ZJN i prijedlogom Komisije, odlučeno je kao u dispozitivu.

POUKA O PRAVNOM LIJEKU:

Protiv ove Odluke ponuđači imaju pravo da izjave žalbu u roku od 10 (deset) dana od dana prijema odluke. Žalba se ulaže ugovornom organu u pisanoj formi direktno ili preporučenom poštanskom pošiljkom. Žalba se podnosi u 3 (tri) primjerka.



Dostavljeno:

1. "Flex Invest" d.o.o. Sarajevo,
2. "Glovis" d.o.o. Zenica,
3. Evidencija,
4. a/a.-